



2025-2026 Oliesaad oesreëlins

Geldig vanaf
1 Maart 2025



vir die **LIEFDE** van die **LAND**

Die standaard graanhantering- en opbergingsvoorwaardes is van toepassing op alle lewerings en opberging van graan in VKB-silo's en bunkers en is by alle silo's, VKB Hoofkantoor en op VKB se webwerf beskikbaar. Maak asseblief seker u dra kennis van die inhoud daarvan aangesien dit die ooreenkoms tussen u en VKB daarstel. VKB se koring word op 'n skoon basis gegradeer. Droogfasiliteite is nie beskikbaar by alle VKB-silo's nie.

Die tariewe vir die 2025/26-oesjaar is soos volg: Die seisoentarief is vooraf betaalbaar. Die plafonstoottarief en seisoentarief is slegs van toepassing op die eerste jaar van lewering en nie op oordragvoorraad nie. VKB behou die reg voor om hierdie tariewe tussen silo's te differensieer en/of dit gedurende die seisoen te wysig.

TABEL 1: HANTERING- EN OPBERGINGSTARIEWE

Produk	Sonneblom	Sojabone
Hantering** (Rand/ton)	129	77
Hantering: Jim Fouché (Rand/ton)	129	167
Dagstoor (Rand/ton/dag)	2,33	1,23
Plafontarief (Rand/ton)	326	176
Seisoentarief (Rand/ton)	307	148

**** Uitsluitend Jim Fouché**

TABEL 2: DROOGTARIEWE (R/TON)

Vog %	Sonneblom	Sojabone
10,1 – 11,0	56	NVT
11,1 – 12,0	103	NVT
12,1 – 13,0	134	NVT
13,1 – 14,0	227	48
14,1 – 15,0	295	59

TABEL 3: SIFTARIEWE VIR SKADELIKE SADE EN VREEMDE MATERIAAL

Sifaksie	Sonneblom	Sojabone
Vreemde materiaal (R/ton)	121	84
Skadelike sade vanaf Saad 1 oor toleransie (R/ton)	140	70
Koste per pit oor toleransie (R)	1	1
Maksimum koste (R/ton)	265	195

Indien vragte skoongemaak moet word, sal die produsent, waar die silofasiliteite en bedryfsreëlings dit toelaat, die keuse hê om die sifsels terug te neem. Die sifsels moet teen sluitingstyd van die leweringsdag vanaf die perseel verwyder. Indien nie, sal die sifsels verbeur word (kontak u Silobestuurder in die verband).

STANDAARD BEDRYFSREËLINGS

Alle graanbergingsfasiliteite beskik oor moderne graderingstoerusting wat deurgaans gebruik sal word. Alle graderingsregulasies sal konsekwent by alle bedryfspunte toegepas word. Graderingsapparate is so pas versien en gekalibreer, en sertifikate is dienooreenkomstig uitgereik deur die diensverskaffer.

HANTERING VAN NAT GRAAN

Die hantering van nat graan en oliesade gaan gepaard met 'n groot risiko, derhalwe sal VKB slegs tot by die volgende maksimum vogpersentasies inneem:

Sojabone	Maksimum vog:	15%	Basisvog:	12%
Sonneblom	Maksimum vog:	14%	Basisvog:	9%

Lewering van nat graan is onderhewig aan beskikbare spasie.

AFTREKKING VIR HANTERINGSVERLIES

VKB doen 'n standaard aftrekking by mielies, sonneblom, sojabone en sorghum vir fisiese hanteringsverliese wat tydens die hantering en opberging van die produk kan voorkom:

Sojabone en sonneblom	0,5%
------------------------------	-------------

ONTVANGSTYE

VKB is verbind tot dienslewering en sal poog om u sover moontlik by te staan in die suksesvolle insameling van u oes. Ontvangstye sal volgens leweringsaanbod bepaal word en deur die Silobestuurder met die produsente ooreengekom word. Skakel gerus met u Silobestuurder of mnr. Johan van Rensburg (Bestuurder: Graandienste) (058 863 8225 / 082 874 0188) om leweringsbehoefte aan te dui en/of voorstelle te maak.

LEWERINGSOPDRAG

Buiten dat die voltooiing van 'n leweringsopdrag 'n wetlike vereiste is, het dit ook ten doel om sluikhandel/diefstal van graan te beperk en stel dit VKB-graandienste in staat om die produsent se graan volgens opdrag en kontrakverpligtinge te administreer. Géén vraag sal sonder hierdie getekende opdrag ontvang kan word nie. In die geval van sojaboon lewerings moet die kultivar gelewer ook op die leweringsopdrag aangetoon word vir verslagdoening aan SACTA.

DISPUTE

Indien u 'n dispuut wil aanmeld ten opsigte van die gradering van u produk, moet u dit doen terwyl die vraag nog binne die siloterrein is. Meld u dispuut aan by die Silobestuurder en indien die dispuut nie besleg kan word nie, skakel onverwyld vir mnr. Johan van Rensburg, wat die vraag weer sal laat evalueer.

TABEL 4: KONTAKBESONDERHEDE

VRYSTAAT

Graanverkryger	Kontaknommer
Giepie Craffert	058 863 8376 082 450 6795
Hermann Verwey	058 863 8380 071 688 1900
Frik Meintjes	058 863 8507 082 587 5663
Kevin de Villiers	087 358 8280 082 464 2252
Herman Wessels	087 358 8111 071 429 6423

Graanverkryger	Kontaknommer
Gerhard Craffert	058 863 8111 083 272 8803
Andries Stone	058 863 8331 082 368 9581
Nadia van Tonder	058 863 8182 072 915 5862
Eddie Jackson	058 863 8844 079 334 4972

LIMPOPO

Graanverkryger	Kontaknommer
Anru Fulscher	015 297 3671 082 759 6151
Graanverkryger	Kontaknommer
Ernst Kotze	014 719 9211 083 289 3627

Graanverkryger	Kontaknommer
Johan Reinecke	014 719 9211 082 381 3203

Indien u verkies om met 'n spesifieke bemarker te skakel, is u welkom om dit te doen. U is ook welkom om 'n afspraak met die graanbemarkers te maak vir 'n persoonlike konsultasie en bemarkingsbeplanning. Ons stel dit ten doel om die beste diens te lewer en 'n mededingende prys vir die spesifieke tydstop daar te stel. VKB beskik oor 'n aantal bemarkingsprodukte wat u in staat sal stel om u graan teen die risiko van markskommelings en negatiewe prysbewegings te verskans.



STATUTÊRE HEFFING – SACTA

Die statutêre heffing wat deur die Minister van Landbou, Bosbou en Visserie met ingang van 1 Maart 2025 op sojabone ingestel is, met ten doel om telers van sojabone te ondersteun, is geldig tot 28 Februarie 2026. Besonderhede van die voorgestelde heffing en tariewe word hieronder uiteengesit.

OMSTANDIGHED E WAARONDER DIE VOORGESTELDE HEFFING BETAALBAAR SAL WEES

'n Heffing word hierby opgelê op alle sojabone:

- (a) wat deur of namens die produsent daarvan verkoop word;
- (b) wat verwerk of omskep word of laat verwerk of omskep word in 'n sojaboonprodukt, indien die sojaboonprodukt bestem is om van die hand gesit te word;
- (c) ten opsigte waarvan 'n silo-ontvangsbewys uitgereik word, indien die heffing ten opsigte van sodanige sojabone nog nie ingevolge paragraaf (a) of (b) betaal is nie; en
- (d) wat uitgevoer word uit die Republiek van Suid-Afrika, indien die heffing ten opsigte van sodanige sojabone nog nie ingevolge paragraaf (a), (b) of (c) betaal is nie.

Nota: Let asseblief daarop dat die voorgestelde heffing, onder alle omstandighede soos hierbo genoem, betaalbaar is en van toepassing is op sodanige handeling e met alle sojabone, ongeag die graad daarvan of die doel waarvoor dit aangewend word. Die heffing sal van toepassing wees op sojabone wat in die Republiek van Suid-Afrika geproduseer is.

HEFFINGSBEDRAG


Die heffingsbedrag is R70,00 (BTW uitgesluit) per metrieke ton vir die tydperk 1 Maart 2025 tot 28 Februarie 2026.

VRYWILLIGE VKB RAND VIR RAND PADFONDS

Die VKB Rand vir Rand padfonds is ten doel om boereverenigings in staat te stel om paaie wat gebruik word vir die lewering van graan te kan herstel. Daar word deur die produsente 'n vrywillige ooreengekome R/ton bygedra tot die fonds. VKB dra dan dieselfde ooreengekome R/ton ook by tot die fonds. Hierdie fonds word dan eenmaal per jaar uit betaal aan die betrokke boere verenigings.

Produsente wat tot hierdie fonds wil bydra of hulle huidige bydra tot die fonds wil staak kan voor 1 April 2025 'n skriftelike opdrag by u silobestuurder invul.

Skakel gerus met u Silobestuurder of mnr. Johan van Rensburg (Bestuurder: Graandienste) (058 863 8225 / 082 874 0188) vir enige navra rakende die fonds.



ALGEMEEN

Ons besef dat die stroop en lewering van graan krities is en ons kan u verseker dat VKB ten alle tye u van hulp sal wees om die lewering en verkoop daarvan so effektief as moontlik te laat geskied. Ons wil u ook verseker van VKB se toewyding en verbintenis tot kwaliteit.

Voorts wil VKB u ook bedank vir u volgehoue ondersteuning. Ons het opregte waardering vir u besigheid en wil u verseker van VKB se volgehoue strewe na kliëntetevredenheid. Neem asseblief die vrymoedigheid om u Silobestuurder te kontak indien u enige probleme ervaar.

U is welkom om mnr. Johan van Rensburg (Bestuurder: Graandienste), gedurende die leweringsperiode by 058 863 8225 / 082 874 0188 te skakel vir enige navrae.

Vriendelike groete,

A handwritten signature in black ink, appearing to read 'Froneman', is written over a light grey rectangular background.

Francois Froneman
BESTURENDE DIREKTEUR: VKB GRAAN & KORPORATIEWE DIENSTE